

**სახელმწიფო შესყიდვის შესახებ  
ხელშეკრულება №23**

25 იანვარი 2017 წ.

ბათუმი

ერთის მხრივ ქალაქ ბათუმის მუნიციპალიტეტის საკრებულო (შემდგომში „შემსყიდველი“), წარმოდგენილი საკრებულოს აპარატის უფროსის მოვალეობის შემსრულებელი სულიკო შვენთიძის სახით და მეორეს მხრივ, შპს. „გიო“ მისი ხელმძღვანელი გიორგი ნაკაშიძის ხელმძღვანელის მინდობილი პირი მინდია ზოიძეს სახით (შემდგომში – „მიმწოდებელი“), სახელმწიფო შესყიდვების შესახებ საქართველოს კანონმდებლობისა და მიმწოდებლის სატენდერო წინადადების საფუძველზე, **№SPA170000289** გამარტივებული ელექტრონული ტენდერის ჩატარების შედეგად, დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

**1. ხელშეკრულებაში გამოყენებულ ტერმინთა განმარტება**

1.1. „ხელშეკრულება სახელმწიფო შესყიდვების შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით. ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე, აქედან ერთი ეგზემპლარი გადაეცემა მიმწოდებელს, ერთი – შემსყიდველს.

1.2. „ხელშეკრულების ღირებულება“ – ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს საქონლის, მომსახურების ან სამუშაოს მიწოდებას ხელშეკრულების ფარგლებში.

1.6. „საქონელი“, – ხელშეკრულების მე-2 მუხლით გათვალისწინებული ხელშეკრულების საგანი.

1.7. „მომსახურება“, – ხელშეკრულების მე-2 მუხლით გათვალისწინებული ხელშეკრულების საგანი.

**2. ხელშეკრულების საგანი**

2.1. ხელშეკრულების საგანს წარმოადგენს (კლკოდი CPV-30100000 -- საოფისე მანქანები, დანადგარები, საკანცელარიო ნივთები, კომპიუტერებისა და ავეჯის გარდა (საკანც.ნივთები) მიმწოდებლის მიერ შემსყიდველისათვის სხვადასხვა საკანცელარიო საქონელის (შემდგომში – საქონელი) მიწოდება/მომსახურება.

2.2 წინამდებარე ხელშეკრულების საფუძველზე „მიმწოდებელი“ ვალდებულია „შემსყიდველს“ საქონლის მიწოდება/მომსახურება გაუწიოს ამ ხელშეკრულებით გათვალისწინებული პირობების შესაბამისად.

2.3 ხელშეკრულებით გათვალისწინებული საქონლის რაოდენობა, ერთეულის ფასი და ტექნიკური მახასიათებლები მოცემულია გამარჯვებული პრეტენდენტის მიერ წარმოდგენილ სატენდერო დოკუმენტაციის დაზუსტებული საბოლოო ფასების ცხრილში (დანართი 2), რომელიც წარმოადგენს ამ ხელშეკრულების განუყოფელ ნაწილს.

2.4 წინამდებარე ხელშეკრულების 2.3 პუნქტით გათვალისწინებული რომელიმე საქონელის მიწოდება/მომსახურების რაოდენობა შესაძლებელია გაიზარდოს, მათ შორის გამოუყენებელი საქონლის/მომსახურების ერთეულის ფასის და ჯამური ფასის ფარგლებში.

2.5 შემსყიდველი არ არის ვალდებული წინამდებარე ხელშეკრულებით გათვალისწინებული საქონლის მიწოდების/მომსახურების დასახელებების რაოდენობების შესყიდვა განახორციელოს სრული რაოდენობით და შესაძლებელი უნდა იყოს შემსყიდველთან გაფორმებული ურთიერთშეთანხმების საფუძველზე გარკვეული რაოდენობების მოკლება და დამატება სხვადასხვა პოზიციებიდან სხვადასხვა პოზიციებზე.

2.6 თუ ხელშეკრულების დადების შემდეგ, ხელშეკრულების მოქმედების პერიოდში აღმოჩნდება, რომ რომელიმე სახის საქონლის მიწოდება/მომსახურება არ არსებობს, აღნიშნული საქონლის მიწოდების/მომსახურების ერთეულის ფასი მისი შესყიდვის აუცილებლობისას, დადგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში ხელშეკრულების 2.3 პუნქტით გათვალისწინებული ფასების ცხრილში (დანართი 2)-ში, შესაბამისი საქონლის მიწოდება/მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს ხელშეკრულების დანართ №2-ში დაფიქსირებული ჯამური ღირებულების 10%-ს.



### 3. ხელშეკრულების ღირებულება

3.1 ხელშეკრულების საერთო ღირებულება შეადგენს 1900 (ათას ცხრაასი) ლარს.

3.2 საქონლის მიწოდება/მომსახურების ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი.

### 4. ანგარიშსწორების ფორმა და ვადები

4.1. მიმწოდებელთან ანგარიშსწორება შემსყიდველის მიერ განხორციელდება უნაღდო ანგარიშსწორების ფორმით ეროვნულ ვალუტაში ხელშეკრულებით გათვალისწინებულ რეკვიზიტებზე გადარიცხვით.

4.2. მიმწოდებელთან ანგარიშსწორება შემსყიდველის მიერ იწარმოებს ეტაპობრივად ხელშეკრულებით გათვალისწინებული საქონლის მიწოდება/მომსახურების მიწოდების შესაბამისი სასაქონლო ზედნადების (საგადასახადო ანგარიშ-ფაქტურის) საფუძველზე.

4.2 მიმწოდებელთან ანგარიშსწორება განხორციელდება სასაქონლო ზედნადების (საგადასახადო ანგარიშ-ფაქტურის) წარდგენიდან 10 კალენდარული დღის განმავლობაში.

### 5. მიღება-ჩაბარების წესი

5.1. საქონლის მიწოდება/მომსახურება ჩაითვლება მიღებულად სასაქონლო ზედნადების (საგადასახადო ანგარიშ-ფაქტურის) დადასტურების საფუძველზე. მოცემულ შემთხვევაში მიღება-ჩაბარების აქტს წარმოადგენს მიმწოდებლის მიერ წარდგენილი და შემსყიდველის მიერ დადასტურებული სასაქონლო ზედნადები (საგადასახადო ანგარიშ-ფაქტურა).

5.2 საქონლის მიწოდება/მომსახურება ჩაითვლება მიღებულად მხოლოდ ფაქტიურად გაწეული მომსახურების შემდეგ.

5.3 გამოვლენილი დეფექტების ან ნაკლის აღმოფხვრასთან შესყიდვის ობიექტის მიღება და საბოლოო შემოწმება ხდება საქონლის მიწოდება/მომსახურების მოწოდების ადგილზე.

5.4 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

### 6. საქონლის მიწოდება/მომსახურების ადგილი და ვადა

6.1. საქონლის მიწოდება/მომსახურება მოხდება შემსყიდველის იურიდიულ მისამართზე (ქ. ბათუმი, ლუკა ასათიანის ქ. №25).

6.2. საქონლის მიწოდება/მომსახურება უნდა განხორციელდეს ხელშეკრულების მოქმედების პერიოდში, რამდენიმე ეტაპად, შემსყიდველის მოთხოვნის შესაბამისად, შემსყიდველის მოთხოვნიდან არაუგვიანეს 2 (ორი) სამუშაო დღის განმავლობაში.

### 7. მხარეთა უფლება-მოვალეობანი

შემსყიდველი და მიმწოდებელი მოქმედებს „სახელმწიფო შესყიდვების შესახებ“ სრული დაცვით.

7.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) საქონლის მიწოდება/მომსახურების მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

7.2. შემსყიდველი ვალდებულია:

ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

ბ) უზრუნველყოს შესყიდვის ობიექტის მიღება.

7.3. მიმწოდებელს უფლება აქვს მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) დაიცვას ხელშეკრულებით გათვალისწინებული ყველა პირობა;

ბ) მიაწოდოს შემსყიდველს ხელშეკრულებით გათვალისწინებული საქონლის მიწოდება/მომსახურება;

გ) მიაწოდოს საქონლის მიწოდება/მომსახურება სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულების მე-6 პუნქტში.

### 8. ხელშეკრულებით ნაკისრი ვალდებულებების შესრულების ინსპექტირება

8.1 ხელშეკრულების შესრულების შემსყიდველის მხრიდან კონტროლს და ტექნიკურ ზედამხედველობას განახორციელებს ქ. ბათუმის საკრებულო აპარატის შესყიდვებისა და მატერიალურ უზრუნველყოფის მთავარი სპეციალისტი ლევან მოდებაძე. შემსყიდველს უფლება აქვს ხელშეკრულების მოქმედების ნებისმიერ ეტაპზე და ნებისმიერ დროს ამ პუნქტით გათვალისწინებული უფლებამოსილება ინდივიდუალურ ადმინისტრაციულ-სამართლებრივი აქტით მიაწოდოს ქ. ბათუმის საკრებულოს აპარატის



სხვა თანამშრომელს, ან/და შესაბამისი ხელშეკრულების საფუძველზე ნებისმიერ სხვა პირს. შესყიდვების ასეთი გადაწყვეტილება არ საჭიროებს მიმწოდებლის არც წინასწარ და არც შემდგომ თანხმობას და იგი ძალაში შედის ინდივიდუალურ ადმინისტრაციულ-სამართლებრივი აქტით ან შესაბამისი ხელშეკრულებით დადგენილი წესით.

8.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის მიწოდება/მომსახურების ხარისხის კონტროლს.

8.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8.4 შემსყიდველი მიმწოდებელთან ერთად აწარმოებს კონტროლს საქონლის მიწოდება/მომსახურების მოწოდების მიმდონარეობაზე, თანახმად საქართველოში მოქმედი ყველა ნორმების, სტანდარტების და წესებისა, რომელთა დარღვევის შემთხვევაში შემსყიდველს გააჩნია უფლება შეაჩეროს საქონლის მიწოდება/მომსახურების მიღება და განახორციელოს კანონით გათვალისწინებული სანქციები.

8.5 მიწოდებული ვალდებულება შემსყიდველს მიაწოდოს მხოლოდ ის საქონლის მიწოდება/მომსახურება რომელთა ხარისხი შეესაბამება საქართველოში მოქმედ სტანდარტებსა და ნორმებს, წინამდგდე შემთხვევაში შემსყიდველი უფლება მოსილია გამოიყენოს მიმწოდებლის მიმართ პასუხისმგებლობის ღონისძიებები.

## 9. სტანდარტები

9.1. ხელშეკრულების ფარგლებში გაწეული მომსახურება უნდა შეესაბამებოდეს საქართველოს კანონმდებლობით განსაზღვრულ სტანდარტებს.

## 10. პირგასამტეხლო ხელშეკრულების პირობების შეუსრულებლობისათვის

10.1. ხელშეკრულებით ნაკისრი ვალდებულების შესრულების ვადის გადაცილების (3 დღეზე მეტი პერიოდით საქონლის მიწოდება/მომსახურების მიუწოდებლობა) შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე ხელშეკრულების შეუსრულებელი ვალდებულების 0.5 %-ის ოდენობით.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5% (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ამ ხელშეკრულებით გათვალისწინებული პირგასამტეხლოს ანაზღაურება.

10.3. საჯარიმო სანქციების გადახდა არ ათავისუფლებს მხარეს ძირითადი ვალდებულებების შესრულებისაგან.

10.4 ხელშეკრულებით ნაკისრი ვალდებულების შესრულების ვადის გადაცილების, ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის შემსყიდველის მიერ ხელშეკრულების შეწყვეტის შემთხვევაში მიმწოდებელს ამ ხელშეკრულების 10.1. პუნქტით გათვალისწინებულ პირგასამტეხლოსთან ერთად ეკისრება პირგასამტეხლო ხელშეკრულების საერთო ღირებულების 10% პროცენტის ოდენობით.

10.5. იმ შემთხვევაში თუ მიმწოდებელმა უზრუნველყო ამ ხელშეკრულებით ნაკისრი ვალდებულებების ნაწილობრივ შესრულება მაშინ:

ა) შემსყიდველი დებულობს გადაწყვეტილებას ხელშეკრულების ცალმხრივად შეწყვეტის შესახებ ამ ხელშეკრულების შესაბამისად;

ბ) მიმწოდებელს შესრულებული ვალდებულების ღირებულებაში (ანგარიშწორების თანხაში) დაეკითება ამ ხელშეკრულებით გათვალისწინებული პირგასამტეხლოს თანხა;

გ) მიმწოდებელთან ანგარიშსწორება მოხდება ფაქტობრივად შესრულებული ვალდებულების შესაბამისად იმ მოცულობით რაც რჩება ამ პუნქტის „ბ)“ ქვეპუნქტის შესაბამისად პირგასამტეხლოსათვის გამოქვითული თანხის გარეშე.

## 11. ხელშეკრულებაში ცვლილებების შეტანა

11.2 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.3 თუ რაიმე წინასწარი გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილებების ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.4 ხელშეკრულების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფრელ ნაწილად.

11.5 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები



შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.6 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.7 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.8 მხარე ვალდებულია არანაკლებ 3 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს ხელშეკრულების შეწყვეტის თაობაზე

11.9 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

## **12 უფლებების გადაცემა**

12.1 მიმწოდებელმა შემსყიდველის წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები. დაუშვებელია მიმწოდებლის მიერ ნაკისრი ვალდებულებების გადაცემა, თუ ვალდებულებების მიმღები ვერ აკმაყოფილებს სატენდერო დოკუმენტაციით მიმწოდებლისათვის დაწესებულ მოთხოვნებს.

## **13 სუბკონტრაქტორები**

13.1 მიმწოდებელმა წერილობით უნდა აცნობოს შემსყიდველს მოცემული ხელშეკრულების ფარგლებში დადებული ყველა სუბკონტრაქტის შესახებ, თუ ეს უკვე არ არის მითითებული სატენდერო წინადადებაში.

13.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

13.3 ამ ხელშეკრულების ფარგლებში დადებული ყველა სუბკონტრაქტი არ ათავისუფლებს მიმწოდებელს ხელშეკრულებით არსებული მატერიალური ან სხვა ვალდებულებებისაგან.

## **14 ხელშეკრულების შეწყვეტა**

14.1 ხელშეკრულება შეიძლება ვადამდე მოიშალოს:

14.1.1 მხარეთა ორმხრივი შეთანხმებით. დაუშვებელია მიმწოდებლის მიერ ხელშეკრულების შეწყვეტა შემსყიდველის თანხმობის გარეშე.

14.1.2 შემსყიდველის მიერ ხელშეკრულება შეიძლება ცალმხრივად ვადამდე მოიშალოს (შეწყდეს):

ა) მიმწოდებლის მიერ ხელშეკრულებით ნაკისრი ვალდებულებების ვადის გადაცილების შემთხვევაში ამ ხელშეკრულების შესაბამისად;

ბ) მიმწოდებლის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში;

გ) თუ შემსყიდველისათვის ცნობილი გახდა რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევაში.

## **15. დაუძლეველი ძალა**

15.1 ამ პუნქტის მიზნებისათვის „დაუძლეველი ძალის გარემოება“ ნიშნავს მხარეთა ნებისა და კონტროლისაგან დამოუკიდებელი გარემოებებს, რომელთა არ არის დაკავშირებული მხარეთა შეცდომებსა და დაუდევრობასთან და რომელთა თავიდან აცილებაც შეუძლებელია მიუდხედავად მხარეთა გონივრული მცდელობებისა და რომელთაც მიეკუთვნება, მაგრამ არ შემოიფარგლება ამით:

ა. სამხედრო მოქმედება, ბლოკადა, მობილიზაცია, ემბარგო;

ბ. რევოლუცია, სამხედრო ან უკანონო ქმედება, სამოქალაქო ომი;

გ. სტიქიური უბედურობები;

დ. სხვა გარემოებები, რომლებიც საყოველთაოდ აღიარებულია ფორს-მაჟორულ გარემოებად ანდა რომელთა ასეთად აღიარებულია ხელისუფლების ორგანოების მიერ.

15.2. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით ან არაჯეროვანი შეუსრულებლობის გამო პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.



15.3. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია რაც შეიძლება სწრაფად შეატყობინოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

15.4 დაუძლეველი ძალის გარემოებების გამო მხარეები პასუხისმგებლობისაგან თავისუფლდებიან მხოლოდ იმ დროითა და მოცულობით რაც აუცილებელია დაუძლეველი ძალის გარემოებების გამოწვეული პრობლემების მოგვარებისათვის.

15.5 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

15.6 იმ შემთხვევაში თუ მხარეები თანხმდებიან ფორს-მაჟორული გარემოებების გამო ხელშეკრულების პირობების შეცვლაზე, მათ შორის ხელშეკრულებით გათვალისწინებული ვადის გაგრძელებაზე, ეს გადაწყვეტილება უნდა გაფორმდეს წინამდებარე ხელშეკრულებაში ცვლილებების შეთანხმებით. ამასთან ხელშეკრულების პირობების შეცვლა უნდა მოხდეს მხოლოდ იმდროითა და მოცულობით რაც აუცილებელია დაუძლეველის ძალის სიტუაციით გამოწვეული პრობლემების მოგვარებისათვის.

## 16. დავები და მათი გადაწყვეტის წესი

16.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთიშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

## 17. ხელშეკრულების მოქმედების ვადა

17.1. წინამდებარე „ხელშეკრულება“ ძალაში შედის ხელშეკრულების გაფორმებიდან და მოქმედებს 2018 წლის 31 იანვრამდე;

17.2. საქონლის მიწოდების/მომსახურების უნდა განხორციელდეს ხელშეკრულების გაფორმებიდან 2017 წლის 31 დეკემბრის ჩათვლით;

## 18 სხვა პირობები

18.1 წინამდებარე ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად, რომლის თითო ეგზემპლარი გადაეცემათ ხელშეკრულების მხარეებს.

18.2 სხვა საკითხები რომელიც მოწესრიგებული არ არის წინამდებარე ხელშეკრულებით წესრიგდება საქართველოს მოქმედი კანონმდებლობის შესაბამისად.

## 19. მხარეთა იურიდიული მისამართები და რევიზიტები:

„შ ე მ ს ქ ი ჯ ე ე ლ ი“

ქალაქ ბათუმის მუნიციპალიტეტის საკრებულო

ქ. ბათუმი ლ. ასათანი ქ. №25

ს.კ. 245576005

ბანკის დასახელება - სახელმწიფო ხაზინა

ბ.კ. TRESGE22;

ანგ. № GE24NB0330100200165022

ქ. ბათუმი საკრებულოს აპარატის უფროსის

მოვალეობის შესრულებელი

სულიკო ბეგენტიძე

(ხელმოწერა)



„მიმწოდებელი“

შპს „გიო“

იურიდიული და ფაქტიური მის: ქ.ბათუმი, ინასარიძის

ქ. №11

საინდეფიკაციო ნომერი: 445474969

სს. „პროკრედიტ ბანკი“

ბ.კ. MIBGGE22

ანგ. №GE93PC0033600100051764

ხელმძღვანელის მინდობილი პირი

მინდია ზოიძე

(ხელმოწერა)

